



OČITOVANJE KOLEGIJA GRADSKOG VIJEĆA
O MIŠLJENJIMA RADNIH TIJELA GRADSKOG VIJEĆA NA
PRIJEDLOG PROGRAMA RADA GRADSKOG VIJEĆA GRADA SARAJEVA
ZA 2022. GODINU

Kolegij Gradskog vijeća je na svojoj 15. sjednici održanoj 22.12.2022. godine razmotrio je mišljenja radnih tijela na Prijedlog Programa rada Gradskog vijeća Grada Sarajeva za 2022. godinu i o iznesenim prijedlozima se očitovao kako slijedi u ovom aktu.

Izvještaji sa sjednica radnih tijela su u prilogu ovog akta.

A.

Prijedlog Programa rada Gradskog vijeća Grada Sarajeva za 2020. godinu su u cjelini podržala, te nisu formulisala nove prijedloge, odnosno primjedbe ili sugestije sljedeća radna tijela.

- I. Mandatno-imunitetska komisija, sjednica održana 13. 12.2021. godine
- II. Administrativna komisija, sjednica održana 22.12. 2021. godine
- III. Komisija za ljudska prava, sjednica održana 21.12.2021. godine,
- IV. Komisija za jednakopravnost spolova, sjednica održana 14.12.2021. godine
- V. Komisija za međunarodnu suradnju, sjednica održana 15.12.2021. godine
- VI. Odbor za budžet i finansije, sjednica održana 22.12.2021. godine
- VII. Odbor za lokalni biznis i turizam, sjednica održana 14.12.2021. godine
- VIII. Odbor za javne službe, infrastrukturu i javni saobraćaj, sjednica održana 14.12.2021. godine
- IX. Odbor za informatiku i telmatiku, sjednica održana 13.12.2021. godine
- X. Etičko vijeće Gradskog vijeća, sjednica održana 13.12.2021. godine

B.

Mišljenja radnih tijela koja su uputila konkretne primjedbe, prijedloge, odnosno sugestije.

XI. Komisija za izbor i imenovanja

Komisija za izbor i imenovanja sugeriše Gradskom vijeću da razmatra Program rada Gradskog vijeća Grada Sarajeva za 2022. godinu kako je predložen, uz sugestiju da se predložena i uvrštena tačka ovog radnog tijela i to Odluka o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva, koja je programirana da se razmatra u Programu rada Gradskog vijeća Grada Sarajeva za 2022. godinu briše, obzirom da će se ista razmatrati na 10. sjednici Gradskog vijeća u decembru 2021. godine.

(Izvještaj broj: 04-GV-04-1652-1/21 od 15.12.2021. godine)

Očitovanje Kolegija

Sugestiju ovog radnog tijela nije moguće prihvatiti obzirom da je nakon održavanja sjednice ovog radnog tijela Gradonačelnica povukla Prijedlog Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva za razmatranje na 10.



(decembarskoj sjednici Gradskog vijeća), tako da će se Odluka morati razmatrati u 2022. godini mora ostati programirana. U pogledu ove Odluke koja je programirana u Oblasti III. – Opća uprava pod tačka 4. i 8. prijedlog Kolegija je da se u tački 4. u pogledu forme programira njeno razmatrane u formi Prijedloga umjesto u formi Nacrta, te da se sukladno tome briše tačka 8. koja je predviđala razmatranje u Prijedloga. Ovo iz razloga što je Gradonačelnica kao ovlaštenu Predlagač kada je uputila materijal tj. ovu odluku na decembarsku sjednicu, istu predvidjela da se razmatra u formi Prijedloga po skraćenom postupku.

XII. Komisija za Statut i akte

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, **te sugeriše Gradskom vijeću Grada Sarajeva da razmatra Program rada Gradskog vijeća Grada Sarajeva za 2022. godinu kako je predložen, uz konstataciju da će se prijedlozi Gradonačelnice dopuniti propisanim obrazloženjem (pravni osnov, sadržaj, razloge za predlaganje i finansijska sredstva), a do upućivanja materijala Gradskom vijeću na razmatranje.**

(Izveštaj broj: 04-GV-02-1664-2/21 od 16.12.2021. godine)

Očitovanje Kolegija

Prijedlog je na sjednici radnog tijela prihvaćen od strane predstavnice Predlagača, obzirom da je riječ o temama koje su uvrštene na prijedlog Gradonačelnice, te je ova sugestija u cijelosti prihvaćena, te je Predlagač prijedloge dopunio sa nedostajućim obrazloženjima i isti će biti inkorporirani u finalni tekst Programa koji će se razmatrati na sjednici.

XIII. Komisija za odnose s vjerskim zajednicama i crkvama

Komisija za odnose s vjerskim zajednicama i crkvama sugeriše Gradskom vijeću da razmatra Program rada Gradskog vijeća Grada Sarajeva za 2022. godinu kako je i predložen uz sugestiju da Kolegij Gradskog vijeća dopuni Program rada Gradskog vijeća Grada Sarajeva za 2022.godinu sa tačkom koja glasi:

- **Dopuna Odluke o obilježavanju datuma i događaja od značaja za Grad Sarajevo - Kalendara na način da se uoči obilježavanja svakog zvaničnog vjerskog praznika svih konfesija u Bosni i Hercegovini organizuje posjeta poglavarima vjerskih zajednica u delegaciji koju bi činilo rukovodstvo Grada Sarajeva i članovi Komisije za odnose s vjerskim zajednicama i crkvama Gradskog vijeća.**

(Izveštaj broj: 04-GV-04-1631-1/21 od 16.12.2021. godine)

Očitovanje Kolegija

Prijedlog se prihvaća, osim ukoliko neko od članova Kolegija ili većina smatra da sugestija ovog radnog tijela ne može biti prihvaćena na ovaj način. POTREBAN STAV KOLEGIJA PO OVOM PITANJU.

XIV. Komisija za pitanja mladih

Komisija za pitanja mladih sugeriše Gradskom vijeću da razmatra Program rada Gradskog vijeća Grada Sarajeva za 2022. godinu kako je predložen, **uz sugestiju da se Informacija o implementaciji Plana djelovanja za mlade Grada Sarajeva razmatra kvartalno.**

(Izveštaj broj: 04-GV-04-1625-1/21 od 13.12.2021. godine)

Očitovanje Kolegija

Prijedlog se prihvaća, te je u tački 19. – Oblast druga pitanja od interesa za građane grada Sarajeva ubačeno kvartalno razmatranje Informacije na način da će se ista razmatrati u III, VI, IX. i XII. mjesecu 2022. godine.

XV. Komisija za spomenike Gradskog vijeća

1. Komisija za spomenike sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, **uz uvažavanje prijedloga predstavnika Gradonačelnice da se Odluka o podizanju spomenika civilnim žrtvama Grada – Kantona Sarajevo u dijelu roka razmatranja u formi Nacrta i Prijedloga promijeni i to tako da se Nacrt razmatra u mjesecu aprilu, a Prijedlog u mjesecu junu.**
2. Komisija za spomenike sugeriše Gradskom vijeću Grada Sarajeva, **uz uvažavanje prijedloga predstavnika Gradonačelnice da se Odluka o podizanju spomenika bosanskom kralju Tvrtku I Kotromaniću u dijelu roka razmatranja u formi Nacrta i Prijedloga promijeni i to tako da se Nacrt razmatra u mjesecu februaru a Prijedlog u mjesecu aprilu.**

(Izveštaj broj: 04-GV-04-1662-1/21 od 16.12.2021. godine)

Očitovanje Kolegija

Prijedlog se prihvaća, cijeneći činjenicu da je isti iniciran od sterane predstavnika Predlagača, te da je isti podržala i Komisija za spomenike kao nadležno radno tijelo.

S tim u vezi Program rada Gradskog vijeća Grada Sarajeva za 2022. godinu u pogledu navedenog se mijenja na navedeni način da se u dijelu Programa – Oblast druga pitanja od interesa za građane grada Sarajeva u tački 1. : Odluka o podizanju spomenika bosanskom Kralju Tvrtku I Kotromaniću u dijelu roka za razmatranje Nacrta umjesto I mjeseca (januar) stavi II mjesec (februar), a posljedično tome da se u tački 7. Odluka o podizanju spomenika bosanskom Kralju Tvrtku I Kotromaniću u pogledu roka za razmatranje Prijedloga Odluke umjesto III. (mart) stavi IV. mjesec (april).

Isto tako u istoj oblasti Oblast druga pitanja od interesa za građane grada Sarajeva u tački 4. – Odluka o podizanju spomenika civilnim žrtvama Grada - Kantona Sarajevo, u dijelu roka za razmatranje Nacrta umjesto II. mjeseca (februar) stavi IV. mjesec (april), te posljedično tome da se i u tački 8. Odluka o podizanju spomenika civilnim žrtvama Grada - Kantona Sarajevo u dijelu roka za razmatranje Prijedloga umjesto IV. mjeseca (april) stavi VI. mjesec (juni).

XVI. Komisija za drugostepeno upravno rješavanja

Komisija za drugostepeno upravno rješavanje sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, uz uvažavanje **sljedećih sugestija:**

1. Komisija za drugostepeno upravno rješavanje **sugeriše predlagaču i Gradskom vijeću da u pogledu prostorno planskih dokumenata tj. regulacionih planova koji su još uvijek u nadležnosti Grada Sarajeva i kao takvi programirani za 2022. godinu, razmotri mogućnost njihovog eventualnog prenosa na jedinice lokalne samouprave odnosno općine za koji lokalitet se donosi plan kroz donošenje odgovarajućih odluka, a ukoliko je to moguće u skladu sa Zakonom o prostornom uređenju Kantona Sarajevo.**
2. Komisija za drugostepeno upravno rješavanje **traži informaciju u pisanoj formi od predlagača i Gradonačelnice, a svako u okviru svoje nadležnosti, u pogledu razloga odbijanja prijedloga broj 3. Komisije za drugostepeno upravno rješavanje koji je upućen u toku javne rasprave uz istovremeno dostavljanje odgovora na pitanje po kom osnovu Grad Sarajevo već sada provodi, učestvuje i finansira aktivnosti na**

izradi elaborata koji su programirani za 2022. godinu, te kada su aktivnosti na izradi navedenih elaborata započete.

3. Komisija za drugostepeno upravno rješavanje **sugeriše predlagaču da se u dijelu Programa rada poglavlje VIII - Osnovno i srednje obrazovanje u tački 6. Odluka o stipendiranju izvrsnosti kod učenika srednjih škola iz Budžeta Grada Sarajeva, u dijelu Kratkog sadržaja materijala briše naziv Prosvjetno-pedagoški zavod obzirom da isti više ne postoji.**

(Izveštaj broj: 04-GV-02-1633-1/21 od 13.12.2021. godine)

Očitovanje Kolegija

Prijedlog 1. Kolegij ne smatra prihvatljivim, obzirom da je od interesa za Grad Sarajevo da razmatra i usvaja regulacione planove koji su po novom Zakonu o prostornom uređenju Kantona Sarajevo ostali u nadležnosti Grada, obzirom da su već bili započeti a naročito cijeneći okolnost da Grad Sarajevo nije bio saglasan sa novim Zakonom o prostornom uređenju Kantona Sarajevo iz 2016. godine kojim je Gradu oduzeta nadležnost za donošenje regulacionih planova na području četiri gradske općine.

Sugestija broj 2. predstavlja jednu vrstu vijećničkog pitanja ili inicijative, odnosno pitanjaili inicijative radnog tijela, na koje može sada na Kolegiju da se očituje Gradonačelnica te se predlaže da se o njoj diskutuje u sklopu 4. tačke dnevnog reda današnje sjednice Kolegija uz koju je i priložen materijal.

U pogledu 3. sugestije Kolegij je prihvata i u obrazloženju će se izvršiti brisanje naziva Prosvjetno-pedagoškog zavoda obzirom da isti više ne postoji.

XVII. Odbor za urbanizam i upotrebu lokalnog zemljišta

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, uz uvažavanje sljedećeg mišljenja:

Odbor za urbanizam i upotrebu lokalnog zemljišta sugeriše Kolegiju Gradskog vijeća, a na prijedlog predstavnice Gradonačelnice, da se u Prijedlog Programa rada Gradskog vijeća Grada Sarajeva za 2022. godinu, u Oblasti VI - Urbano planiranje i upotreba lokalnog zemljišta uvrsti sljedeća tema "Odluka o usvajanju Regulacionog plana „Alipašin most VI“ sa Odlukom o provođenju Regulacionog plana „Alipašin most VI“, u formi Nacrta, rok: Kad se steknu uslovi.

(Izveštaj broj: 04-GV-02-1645-1/21 od 14.12.2021. godine)

Očitovanje Kolegija

Prijedlog se u cijelosti prihvata kako je sugerirano i Služba će izvršiti korekcije u finalnom tekstu Programa, obzirom da je riječ o tehničkom propustu.

XVIII. Odbor za društvene djelatnosti

Odbor za društvene djelatnosti sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, uz uvažavanje sljedećih sugestija:

1. Odbor za društvene djelatnosti predlaže da se u Program rada Gradskog vijeća Grada Sarajeva za 2022. godinu **uvrsti tema Informacija o radu i poslovanju JP „Olimpijski bazen Otoka“ d.o.o. Sarajevo, JP „Sarajevo“ d.o.o. i Javne ustanove „Gradski muzeji“ razmatra u devetom mjesecu 2022. godine, za poslovanje u prvih šest mjeseci 2022. godine.**

2. Odbor za društvene djelatnosti **predlaže da se u dijelu Programa rada Gradskog vijeća Grada Sarajeva za 2022. godinu, Oblast VI. - Gradske finansije za temu pod tačkom 3. predlagač opredjeli da li je riječ o izvještaju ili informaciji.**
3. Odbor za društvene djelatnosti **predlaže da se u Programu rada Gradskog vijeća Grada Sarajeva za 2022. godinu u Oblasti XVII. - Druga pitanja od interesa za građane Grada Sarajeva tačka 20. Informacija o implementaciji Plana djelovanja za mlade briše, obzirom da je njeno razmatranje programirano pod tačkom 19.**

(Izvještaj broj: 04-GV-02-1654-1/21 od 15.12.2021. godine)

Očitovanje Kolegija

U pogledu prijedloga 1. prijedlog se prihvata, izuzev ukoliko Kolegij smatra suprotno, napomene radi i u ranijim programima Gradskog vijeća ova informacija se razmatrala kako je predloženo, jer se smatralo da se na taj način ostvaruje bolja kontrola nad radom i poslovanjem javnih preduzeća a prije razmatranja izvještaja o radu i poslovanju koji se programira u mjesecu maju za prethodnu godinu.

U pogledu prijedloga broj 2. prijedlog se prihvata, te se konkretizuje u tački 3. da je riječ o Izvještaju o izvršenju Budžeta Grada Sarajeva za I, II. i III. Kvartal 2022. godine, da je u pogledu forme također riječ o izvještaju, dok rokovi i predlagač ostaju nepromijenjeni tj. onako kako su predloženi od strane Gradonačelnice.

U pogledu prijedloga broj 3. isti se prihvata kako je predložen, a o čemu se na sjednici ovog radnog tijela i predstavnik predlagača usaglasio, a obzirom da je riječ o tehničkom propustu na način da je tema dva puta unesena pod istim nazivom.

1. Stručna služba Gradskog vijeća Grada Sarajeva kao obrađivač materijala sugerira da Kolegij prihvati sugestiju da se u dijelu Programa – oblast III. – Opća uprava tema broj 16.: Odluka o izmjenama i dopunama Poslovnika Gradskog vijeća Grada Sarajeva, u cijelosti briše obzirom da je u Programu pod tačkom 7. i 10. programirano donošenje novog Poslovnika Gradskog vijeća Grada Sarajeva, tako da bi razmatranje predložene teme koja je prenesena iz prošlogodišnjeg programa rada Gradskog vijeća bilo bezpredmetno.
2. Stručna služba Gradskog vijeća kao obrađivač materijala sugerira Kolegiju da se teme iz oblasti broj XIV: Upravljanje imovinom, i to teme pod brojem 5. i 6. koje su predložene od javnog preduzeća „Olimpijski bazen Otoka“ za tematsku sjednicu Gradskog vijeća, razmatraju i programiraju kao informacije sa prijedlogom mjera u sklopu redovnih sjednica Gradskog vijeća u 2022. godini, od strane Skupštine kao predlagača.
3. Iako Komisija za međunarodnu suradnju nije imala zaključaka ni sugestija u pogledu Programa rada Gradskog vijeća za 2022. godinu na ovom radnom tijelu diskutovalo se i o tome da se materijali programirani u Oblasti druga pitanja od interesa za građane grada Sarajeva i to materijal pod tačkom 11. Odluka o davanju saglasnosti na Memorandum o saradnji Grada Sarajeva sa Memorijalom u Ninbergu i tačkom 21. Odluka o davanju saglasnosti na Memorandum o saradnji Grada Sarajeva sa Informativnim centrom o međunarodnom krivičnom sudu za Ruandu u Aruši prebace u oblast: XVI Sararanja i udruživanje obzirom da se unutar ove oblastiprogramiraju teme iz međunarodne saradnje te da ovi materijali imaju elemente međunarodne saradnje, kaoi da je Odluka o davanju saglasnosti sa saradnju Grada sa Memorijalom u Aušvicu već programirana u ovoj oblasti.

Molim izjašnjenje kolegija da se ovaj prijedlog prihvati na navedeni način.

Cjelovita mišljenja radnih tijela o Prijedlogu Programa rada Gradskog vijeća Grada Sarajeva za 2022. godinu su sadržana u izvještajima radnih tijela koji se dostavljaju uz poziv za sjednicu Gradskog vijeća, kao i mišljenje Gradonačelnice.

Kolegij Gradskog vijeća prihvaća dostavljenu dopunu obrazloženja određenih tema koje su uvrštene na prijedlog Gradonačelnice i uvrštava ih u tekst utvrđenog Prijedloga Programa rada Gradskog vijeća Grada Sarajeva za 2022. godinu.